



Verkiezingspregram

Provinciaole Staoten

2011-2015

De haanden oet de mouwen

veur een rood en energiek Drenthe

Het mot eerlijker

Op 2 maart 2011 kuj stemmen over de toekomst van je provincie. In dit pregram kuj vinden wat oeze partij in Drenthe wil. Maor dizze verkiezings gaot niet allén over Drenthe, zie hebt ok van doen met de toekomst van Nederland. Kreg het miest rechtse kabinet daw ooit had hebt een meerderheid in de Eerste Kaomer en zo vrij spel um zien plannen oet te voeren? Daorum wil wij ók met je dielen wat wij veur oes hiele laand het beste vindt.

De PvdA is opricht um de wereld rechtveerdiger te maoken. En daarbij hew al hiel wat bereikt. Der wordt nou eerlijker dield as ooit teveuren en daor hef de Partij van de Arbeid een grote rol in speuld. Maor der komt neie oetdaogings, zoas saomen verantwoordelijk weden. Wij moet niks hebben van onrecht en oneerlijkheid. Wij vindt het vreselijk dat een notaoris meer kans hef um beter te worden as e slim ziek is as een voelinsman. Wij wilt dat kinder alles oet zuchzölf haolen kunt en dat het niet belangriek is in wat veur gezin ze geboren bint. Wij doet oes best um lusten en lasten eerlijk te verdielen.

Jammer genog hef het rechtse kabinet hier gien bosschup an. Aw niet oetkijekt komt er allén maor meer onrechtveerdigheid. Dit kabinet houwt liever met de botte bezunigingsbiel as dat het eerlijk hervórmt. En umdat ze de lu met de hoogste traktementen niks extra's betalen laot, moet de mènsen met de midden- en legere inkomens alles ophoesten. Met dit rechtse kabinet betaolt het volk de rekening van de crisis. Huren gaot umhoog, kinderopvang wordt onbetaolbaar en de zörg wordt slechter en duurder. Dat bint keuzes. Foute keuzes. Gewone gezinnen betaolt de rekening intied dat rechts niks döt an de rieken en heur villasubsidie.

Het mot eerlijker. De Partij van de Arbeid wil een laand waarin wij de rekening eerlijk dielt met mekaar. Een laand waar wij der veur zörgt dat der meer baonen komt in stee van baonen te schrappen. Waor kinderopvang betaalbaar is en elkenien goeie zörg kriegen kan.



Een laand waar we met respect met mekaar umgaot en waar we mēensen beoordielt op heur gedrag en niet op heur ofkomst of geleuf.

Veur die ideaolen vecht PvdA'ers overal in 't laand en in je previncie. Alle daogen zet ze zuch in veur oeze leefumgeving, de natuur, betaalbaar wonen veur alleman, goed en betrouwbaar openbaar vervoer en nog veel meer. Maar dit kabinet mak het heur niet makkelijk. Gezinnen die het toch al stoer hebt, kriegt het nog moeilijker deur de invoering van de eigen bijdraoge in de jeugdzörg. Dat kan veur elk kind zölf wal € 3.400,- in 't jaor worden. Op het openbaar vervoer wordt bezunigd. Zörgvuldige investerings in leefbare wicken en natuur holdt op. Van oeze duurzame ambities blef zowat niks over. Oeze provinciaole politici moet in 't geweer kommen tegen dizze maatregels. Um te beholden wat van weerde is en um te verbeteren wat beter kan. Daarveur vraag wij ok je vertrouwen.

Wij gaot een ongelufelijk spannende tied in de muut. Een koppel volk mak zuch grote zörgen. Het is an oes um der wat an te doen. De eerste gelegenheid daarveur kriej bij de kommende verkiezings op 2 meert. Het is dudelk hoe belangriek dat is: der is oes veel an gelegen dat de VVD, PVV en het CDA gien meerderheid in de Eerste Kaomer kriegt. Op 2 meert kuj een dudelk nee heuren laoten tegen de rechtse rekening van dit kabinet. Der stiet veel op het spel veur je previncie en veur Nederland; het mot eerlijker.

Job Cohen, Politiek leider Partij van de Arbeid
Eddie Veenstra, Liesttrekker Provinciaole Staoten Drenthe



Oes hart

Mèensen maakt Drenthe. Jong en old, hier geboren of aanderworens, het maakt niet oet. Wij bint groots op Drenthe. Op het naoberschap, de Drentse taol en meziek, de rust, de natuur, de eigenheid. Netzogoed bin wij groots op de bedrievigheid, de technologie, de toeristische trekpleisters, de opleidingen. De PvdA zôt de Drentse identiteit as een krachtig oetgangspunt veur een zôlbewuste en succesvolle leefgemeenschap. Een gemeenschap waar de mèens veurop stiet.

De PvdA vindt dat het veur elkenien meugelijk weden mot um het allerbeste oet zuchzôlf en oet het leven te haolen. Met het bieden van kansen an alleman biw der niet as het giet um zörg veur mekaor en zörg veur de saomenleving. Niet elkenien lukt het ja um zien kans te griepen. De PvdA vindt daw daorum een extra stappie doen moet, dat gelieke kansen ok daodwarkelijk gelieke kansen bint.

Kiezen veur de PvdA

Het veurgaonde telt nog veul meer in een tied van grote bezunigings. De overheid mag het niet ofweten laoten. De PvdA vecht veur wark, zörg en een goed leven veur elke Drent. Marktwarking mot der allén maor kommen as het ok echt van nut is veur de mèensen in Drenthe. En as der dan bezunigd worden mot, dan wil de PvdA links bezunigen en dat betekient: de sterkste scholders draogt de zwaorste lasten. Ok wil wij de preblemen van nou niet deurschoeven naor laoter. As 't mot zul wij zunig weden, maor aaid met oog veur de saomenhang in de Drèentse saomenleving. Links bezunigen wil ok zeggen dat goed overlegd en saomenwarkt wordt met aandere overheden en instellings.

Rechtse wind

Der weit een boezige rechtse wind vanoet Den Haag. Dat is goed te zien an de keuzes die daor nou maakt wordt. Maor wat wij neudig hebt, is een kabinet dat eerlijk dielt. Een kabinet dat veuroet kek naor de kansen en preblemen in de toekomst. Een kabinet dat deurhef daw elkenien neudig hebt en derveur zörgt dat elkenien derbij heurt, mettelt en metan doen kan. Een kabinet dat de ontwikkeling van mèensen en van de saomenleving het belangriekste vindt. De PvdA mak zien eigen keuzes: landelijk, gemientelijk, Europees en provinciaol. En ok al zörgt de grote bezunigings derveur dat de meugelijkheden van de previncie Drenthe aal kleiner wordt, toch wil wij oes sociaoldemocraotische geluud met de blik op de toekomst heuren laoten.

Groots op de PvdA

De PvdA is groots op de kracht van oeze gemeenschap, die de mèensen nimt zoas ze bint en in heur weerde lat. Op hetzôlfde moment vin wij daw ok niet kunt zunder goed gedrag en fesoen in oeze saomenleving en met mekaor moet wij man en peerd numen as het giet um sociaol gedrag en moet wij de goeie umgangsvôrms oetdraogen. Hufferig gedrag stao wij niet toe.



Betrökkenheid

De betrökkenheid van inwoners is gloepends belangriek veur de Drentse saomenleving. Daorum bint dörpshoezen en wiekgebouwen - die vaak hielemaol dreit op vrijwilligers - ok zo belangriek. Daor moew zunig op weden, wardering veur hebben en zörgen dat ze bestaon blieden kunt. De PvdA wil de betrökkenheid bij wiek en dörp anpidjern en der as 't kan veur betaolen. Daorbij moew vanzölf wal kieken naor de kenmarken en wensen van leefgemeenschappen. De PvdA wil dat de previncie het in de maande met de gemientes meugelk mak dat vrijwilligersorganisaotsies zuch professioneel ondersteunen laoten kunt. De PvdA vindt het van belang dat dinger heur wortels in de plaotselijke gemienschap hebt en vindt daorum dat plannen van burgers stimuleerd en steund worden moet. De PvdA stelt veur dat de previncie aal jaor drie opvallende prejecten op het gebied van betrökkenheid in de plaotselijke gemienschap in 't zunnegie zet.

Oeze rol

De PvdA wil dat de verantwoordelijkheid op zo leeg meugelk niveau hen legd wordt en dat daar beslissings nummen worden kunt. Inwoners en bestuurders kunt zölf het beste vörm geven an de saomenleving. Inwoners van Drenthe kunt het eerst terecht bij de gemientes. De previncie kek naor de hiele regio. De PvdA wil dat der een krachtdaodig middenbestuur is dat de leid' in handen nimt, dinger bedenkt, ondersteunt en meugelk mak. De PvdA kös veur sterke saomenwarking tussen de noordelijke previncies en de waoterschappen. As in de Randstad ien landsdiel ontstiet, dan moew in het noorden en oosten vanzölf ok de krachten bundeln. Dan staow starker in de richting van Brussel en Den Haag.

Wat ruumtelijke ordening, natuur, cultuur en economie angiet, hef de previncie de juuste kennis in hoes um de leid'in handen te nimmen. Aw naor de omgeving kiekt, dan kös de PvdA der oetdrukkeliik veur um de natuur-, cultuurhistorische en landschappelijke weerden te beholden, umdat dat het belangriekste economische kapitaol van Drenthe is. Ruumtelijk inrichten betieket kiezen veur behold en versterking van het Drents landschap en de natuur. Dat is wat Drenthe Drenthe mak. Dat is wat oes as inwoners van Drenthe zo stark met mekaor verbindt.

Oes wark

De Partij van de Arbeid vindt kansen veur alleman en solidariteit geweldig belangriek. Elkenien hef recht op wark en een beheurliik traktement. Dit is de leste twei jaor aal stoerder worden. De crisis hef oes dudelk maakt dat het niet vanzölfsprekend is dat der ok in de 21^e ieuw genog wark is. In de tied dat de economische crisis over oes hen komt, hew ok nog ies te maoken met individualisering, globalisering, vergriezing, informatisering en de noodzaak tot verduurzaoming. De PvdA vindt dat het tied wordt veur een nei evenwicht. Daorbij staot duurzaome warkgelegenheid, een goed sociaol vangnet en kansen veur elkenien op de eerste plaots. De PvdA döt zien best dat het wark dat der is in Drenthe blef en dat der meer bij komt.



De PvdA stek de handen oet de mouwen. Economische verneiging hef der vanzölf met te maaken of mènsen en organisaotsies zuch anpassen kunt an neie technologische en maatschappelijke ontwikkelingen; sociaole innovaotsie. Het is hierbij slim belangriek dat kennis en ervaoring dield wordt. De PvdA pidjerd organisaotsies en kennisinstututen an dinger in de maande te doen. Je kunt veul van mekaor leren naomelijk. De crisis hef oes nog een maal leerd dat een goed warkende economie - benaom een innovatieve economie - van meer dinger verlet hef as allén van een vrije markt. De previncie kek goed naor wat de ofspraoken tussen overheden, ondernimmers en onderwiesinstellings oplevert en mak dudelk welke kaant het oet gaon mot. De previncie mak dinger meugelijk en fietert an, en dat allemaal um een duurzaome economie klaor te kriegen die elkenien kansen gef.

Inzetten op kracht

Drenthe hef een veulziedige economie, in de steden en op het plattelaand. Wij moet veural oetgaon van de starkte die der al is. De warkgelegenheid in de steden is niet overal dezölfde. Dat gef meugelijkheden. Assen is sterk op het gebied van dienstverliening en zörg. In Emmen hew nogal wat grote fabrieken as belangrieke basis en daor is de verneiging van de dierentuun een geweldige oetdaoging. Hoogeveen wordt aal meer een logistiek centrum met veul verscheidenheid an industrie. Meppel döt dienst as toegangspoort veur het Noorden deur zien biezondere ligging an twee grote autowegen en an waoterwegen. Coevern is belangriek as knooppunt van vervoer over het waoter, over wegen en over 't spoor. Steden ontwikkelt zuch veural as ze goed saomenwarkt. Daorbij mot over grèenzen hen keken worden. Veur 't noorden van Drenthe is het stedelijk netwerk Grunning-Assen gloepends belangriek. Veur Zuud-Drenthe geldt dat veur de lien Zwolle, Meppel, Hoogeveen, Emmen, Duutslan en Twente.

Het bedrijfsleven, de kenniscentrums en de overheden moet met mekaor sterke en briede netwerken vörmen.

Op het gebied van sensortechnologie is Drenthe biezunder. Dat was al zo met de radiotelesopen in Dwingel en Börk, maor met Lofar bij Exel loop we hielemaal veurop. In Assen wil wij der nog meer an doen deur de wetenschappelijke kaant van de sensortechnologie oet te breiden. Landbouw, recreatie, toerisme en zörg blijft previnciebried speerpunten van de Drentse economie.

Groningen Airport Eelde (GAE)

De PvdA vindt het belangriek dat der een gruu regionaal vliegveld is, waar de omgeving zo weinig meugelijk hinder van hef.

Midden- en kleinbedrief (MKB)

Het MKB is - benaom in Drenthe - de motor van oeze economie en kreg van de PvdA alle aandacht. Veur ZZP-ers (zölfstandigen zunder personeel) en kleine ondernimmers mot der goed te warken weden en moew onneudige regels vorthaolen. Um de leefbaorheid van het plattelaand te verbeter, moew ok op aandere gebieden as allén die van de landbouw bedrievigheid toestaon. Die mot vanzölf wal passen bij het plattelaand. Gemientes en previncie moet daor scharp op letten as het giet um vergunnings en ruimtelijke ordening.



PvdA actiepunten

- Grootschaolige warkgelegenheid het liefst in de steden.
- De Regio Visie Grunning-Assen anfieteren blieven; de Drentse Zuudas van de grond kriegen.
- Wij wilt 2,5% van het bruto Drents product gebroeken veur innovatieve aanbestedings en in innovatieve bedrieven.
- Wieder verstarcken van de sensortechnologie.
- Het bewaoren en opknappen van de wieg van oeze hoogweerdige sensortechnologie: de radiotelescoop bij Dwingel.
- Industrieel argoed - zoas een graonsilo, waotertoren, gasbol, melkfabriek, radiotelescoop,
- Rieksluchtvaortschoel (RLS) op vliegveld Eelde - wil wij zoveul meugelk een neie bestemming geven.
- Drenthe wordt de proeftuun veur zörginnovaotsie.

Opleiden is op pad helpen

Het is belangriek dat jongelu naor schoel gaot, wark hebt of een combinaotsie van die beide hebt, want aans valt ze makkelik boeten de maotschappij. Loopbaonoriëntaotsie mot meer aandacht kriegen. Het mot logisch weden um je hiele leven leren te blieven. In de praktijk is der veural verlet van mbo'ers die net een beetie meer kunt: vaklu die weet hebt van neie technologie en zörgverlieners die extra zörgtaoken doen kunt. De PvdA wil dizze groep extra anpirdjen deur centrums veur innovatief vakmanschap (MBO+-klassen) bij het ROC van de grond te kriegen. Wieder blief wij oes best doen veur neie combinaotsies van warken en leren. Gemientes en provincie brengt schoelieren in contact met bedrieven en dringt er bij de oetvoerder op an um bij de aanbesteding van wark te zörgen veur leerwark- en stageplekken. De provincie nimt de leid' in handen en zörgt dat alle partijen met mekaor an de proot komt um mandielig vraog en aanbod van opleiding en wark goed of te stemmen. Aw kiekt naor het verwachte tekört an personeel in paartie sectoren wordt dit aal belangrieker.

Regionaal arbeidsmarktbeleid

Gemientes hebt op het gebied van inkomen en wark een belangrieker taok, bijveurbeeld met de Wet wark en bijstand. De provincie wil daor ondersteunend bij weden. De economie lat zuch niks gelegen liggen an gemientegrèenzen. Goed economisch beleid vrag daorum um wiedgaonde saomenwarking. Ook een intensieve saomenwarking tussen de drie noordelijke provincie is alderbarstend belangriek um Drenthe sterk te holden. De provincie begunt dinger en stimuleert de saomenwarking. Allewal der op dit moment nog aal warklozen bij komt, verwacht we op kórte en middellange termien toch tekörten in verscheiden secoren van de Drentse arbeidsmarkt. De provincie nimt initiatieven um saomen



met partners tot een goed regionaal arbeidsmarktbeleid te komen. Daarvoor is het nodig dat men genoeg weet van de regionale arbeidsmarkt en dat men ook maar weer zorgt voor een goede afstemming met regionale partners als werkgevers- en werknemersorganisaties, kennisinstellingen en gemeentes.

PvdA actiepunten

- De provincie geeft het goede voorbeeld en neemt een bepaald aantal mensen in dienst dat weinig of geen kans heeft om aan 't werk te komen.
- Centraals voor innovatief vakmanschap op het gebied van sensortechnologie, zorg, toerisme en duurzame chemie invoeren in het MBO.
- Ondersteunen dat er een motorenacademie op het TT-circuit komt.
- Blijvende aandacht voor een actief stagebeleid bij provincie, gemeentes, waterschappen en woningbouwcorporaties.
- De provincie eist bij aanbestedingen dat er leerwerk- en stageplekken komt. Ook wordt bij de aanbesteding gestimuleerd om langdurig werkzoekenden en/of arbeidsgehandicapten aan 't werk te helpen.
- Zorgen dat senioren metdoen blijft in de Drentse economie, bijvoorbeeld als coaches in opleidingen of bedrijven of als vrijwilliger.
- Aanpak van regionaal arbeidsmarktbeleid.
- Zorgen voor tweede loopbaanmogelijkheden.
- De Drentse gemeentes helpen bij de aanpak van de jeugdwerkloosheid.

Moderne economie

Dat het nodig is om werk en zorg te combineren is een grote maatschappelijke verandering. Dit geldt voor mantelzorgers netzogoed als voor mensen met kinderen. De provincie heeft hierbij een voorbeeldfunctie.

Glasvezelnetwerk

In grote delen van Drenthe ligt een hoogwaardig glasvezelnetwerk, zoals bij AstronLofar. Dit geeft heel wat mogelijkheden. De PvdA vindt dat heel Drenthe hier de beschikking over krijgen moet. Wij hebben hier in Drenthe de economie van deze tijd: een hoogwaardige infrastructuur die het mogelijk maakt om vanoet hoes te werken, een fantastische omgeving om te wonen met een goed evenwicht tussen werk en zorg, die helemaal van deze tijd bint.



PvdA actiepunten

- De provincie voert een mantelzörgvundelijk personeelsbeleid en drag dit ok oet.
- Drenthe hef op den duur de beschikking over een hoogweerdig en betaalbaar glasvezelnetwark.

Oes welzijn

De saomenleving veraandert, mangs met grote stappen, ok in Drenthe. Dat hef veul gevolgen op allerhaande gebied, wis ok in oeze directe leefumgeving. Hoe organiseer wij de zörg de komende jaoren? Hoe zörg wij dat der een stee veur oldern is én iene veur jongvolk? De PvdA vindt het belangriek dat der meugelijkheden bint veur cultuur en sport, in verscheiden vörms en veur elkenien die dat wil. Betrökkenheid en saomenwarking bint daarbij slim belangriek. Van en tussen overheden, en beslist van en tussen mèensen in leefgemeenschappen. Hierbij is wat de PvdA angiet de gemiente vaak de eerstverantwoordelijke overheid.

Zörg dichtbij

In de zörg kuw deur veurkommen nog hiel wat verbeteren. Daorbij kuw denken an:

- veurlighting over goeie voeding;
- anfietern van sport en beweging;
- zörge dat kinder boeten speulen kunt;
- wat doen an de ienzaomheid van oldern;
- zörge dat jongelu minder alcolhol en drugs gebroekt.

De PvdA wil dat de zörg zo dicht meugelk bij het volk is. As 't maor een beetie meugelk is, mot de zörgverliening der in wieken en dörpen weden.

De PvdA wil dat der genug goed bereikbare ziekenhoezen bint in Noord-Nederland.

Zörg-an-hoes kan een oetkomst weden veur oldern die geern zölfstandig wonen blieden wilt. Um vörms van zölfzörg en langer zölfstandig wonen meugelk te maoken, stimuleert de provincie neie, innovatieve oplössings en kansriekie technologieën op het gebied van healthy ageing (gezond older worden). Sensortechnologie en interactieve diensten via een glasvezelnetwark kunt daorbij een belagriekie rol speulen. De PvdA is tegen marktwarking in de AWBZ en tegen het winstmotief bij maotschappelijke zörgorganisaotsies. De PvdA hef veul liever saomenwarking as concurrentie en pidjert doelmaotigheid en efficiency an.

PvdA actiepunten

- Kommen met en anjaogen van oetprebeerprejecten op het gebied van kleinschaolige woon-zörg-veurzienings, bijveurbeeld zörgboerderijen en hospices. Boerderijen en aandere grote gebouwen die vrijkomt hierbij betrekken. Kwaliteit stiet daorbij veurop.
- Anjaogen van oetprebeerprejecten op het gebied van healthy ageing en daorbij de verbinding leggen met sensortechnologie.



Jeugdzörg

Het Riek wil de jeugdzörg in 2015 overdraogen an de gemientes. De previncie zörgt veur een soepele en zörgvuldige overdracht. Zolang as de previncie de leid' in handen hef, döt e der alles an um wachtliesten te veurkommen.

PvdA actiepunten

- ➔ De previncie döt zien best veur een zo goed meugelijke overdracht van de jeugdzörg naor de gemientes.
- ➔ Zo lang as de previncie hier verantwoordelijk veur is, bint er in Drenthe gien wachtliesten in de jeugdzörg.

Anfietern van het Drents as levende taol

Taol is een sterke draoger van de regionaole identiteit. Het Drents is een onderdeel van het Nedersaksisch en erkend as minderheidstaol. De previncie is de vanzölfsprekende ienheid veur het bescharmten en versterken van het Drents. De previncie stimuleert dat op schoel de Drentse taol en cultuur levend bieft. Belangrieke instrumenten van de Drentse taol en cultuur bint Drentse media zoas RTV Drenthe. De PvdA vindt dat de previncie dizze media steunen blieven mot. De PvdA wil in de maande met de Drentse poppodia, het Huus van de Taol en RTV Drenthe begunnen met een neie Drentse POP-lied/ theaterveurstelling/ cultuuruting van de maand.

Cultuurbeleid

Wij wilt de kommende veer jaor deurgaon met het Drents Pregram veur cultuurparticipatie. In de maande staot 't Riek, de gemienten en de previncie de amateurkunst en de cultuureducatie in 't underwies half. Oktobermaond-Kindermaond verleegt de drempel veur jongvolk um in de kunde te kommen met veul culturele activiteiten in de previncie. Dat wiw geern zo holden.

Festivals binnen, veural in de zummer, de krenten in de Drèentse pap. Niet allennig veur oeze inwoners, het zet Drenthe toeristisch ok beter op de kaart. Wat oes angiet, mag Oerol ok in Drenthe kommen.

Het kabinet wil snieden in de podiumkunsten. En daor is in 't Noorden al niet zo veul van. Wij zult in de maande met Grunning en Friesland oes best doen um 't aanbod in de bieten te holden en dat aanbod zo verschillend meugelijk te maaken.

In Drenthe kan natuurkunst uitstekend gruien. De leste jaoren hew daor een basis veur legd. Wij wilt geern dat aandern op het snievlak van laandschup, natuur en kunst met prikkelnde initiatieven komt.

PvdA actiepunten

- ➔ Het hoge tal an dielnimmers van Kinder an 't Kunstmenu vastholden.



- Cultuuronderwijs in saomenwarking met gemienten en schoelen verankern in 't onderwijs
- Oktobermaond kindermaond mot blieden.
- De PvdA ondersteunt de Drèentse cultuur, taal en identiteit met geld en kunde, in saomenwarking met de Drentse gemienten.
- Initiatieven die de Drentse popmeziek, het Drèentse theaoter of het Drentse cabaret op de kaart zet, ondersteunen.
- De PvdA wil aal jaor driei opvallende prejecten van dörpsgemeenschappen in 't zunnegje zetten.
- De PvdA wil een festival op Oerolnivo in Drenthe.
- Provinciaal monumentenbeleid inzetten veur stimulerende rol van previncie.

Sport veur elkenien

Bewegen gef plezeer ok an mensen die niet alles kunt. Verstarking van de bredtesport en 't organiseren van topsportevenementen gaot haand in haand. De previncie warkt daarom saomen met gemienten, verenings, bonden en sportorganisaties. Sport is ok van belang in economisch opzicht en veur de promotie van Drenthe. De PvdA is veurstander van het Drents Olympisch Plan. Daarom is 't goed non te kieken naor watveur topsportevenementen wij naor Drenthe haolen kunt. De Vuelta in 2009 was een groot succes. Dat smaakt naor meer.

PvdA actiepunten

- Oetvoering van het Drents Olympisch Plan 2028 inclusief Paralympische Speulen.
- In het verlengde van het Drents Olympisch Plan ontwikkeling van beweegplekken/parken en buurten veur jongelu (jongen en wichter) oldern en mènsen met een beparking, seniorensport en gezond older worden.

Oeze omgeving

Drenthe is de mooiste previncie van Nederland en dat wiw geern zo holden. In oeze previncie biw der in de leste jaoren in slaogd um een goeie balans te vinden tussen laandschap, netuur en economische activiteiten. De PvdA zet hum hier al jaoren veur in. Wij wilt dat de kommende veer jaor wieder oetbouwen. Oeze omgeving is bij de PvdA in goeie handen. Wij vinden dat veural in 'Oeze omgeving' de previncie meerweerde hef en de verantwoordelijkheid nemen mot.



De paorels van Drenthe

Zörg veur netuur is ien van de belangriekste taaken van de previncie. Laandschup en netuur bint de paorels van Drenthe. De PvdA vindt dat de previncie de regisseur weden mot die der veur zörgt dat gemienten in de maande de belangriekste kwaliteiten van de gebieden benuumt en in 't oog holdt. De previncie zal de kommende jaoren nog meer de regie voeren moeten omreden paartie subsidiestromen van de staot naor de previncie gaot. De PvdA ondersteunt dit. De PvdA is van miening dat der de kommende jaoren meer ruimte maakt worden moet op de begroting veur het in stand holden van de natuur en veur het laandschup in Drenthe. Het beleid van de EHS dat al op de rit stiet, moet deurzet worden.

De PvdA wil meer inwoners, bedrieven en bijveurbeeld pensioenfondsen betrekken bij de natuur en het laandschup. Wij wilt kieken of wij as experiment andielen in het Drentse laandschup oetgeven kunt. De PvdA wil kieken of der aander meugelijkheden bint van andielholderschap. Ok wil we een jaorlijkse of tweejaorlijkse pries veur het miest duurzaome preject in het Drentse laandschup.

PvdA actiepunt

- Een Laandschupsries veur het miest duurzaome preject in het Drentse laandschup.

Innovatieve land- en tuunbouw

De PvdA is veurstander van energiebeleid in land- en tuunbouw dat oog hef veur de toekomst en innovatief is. Belangrieke elementen bint prejecten die de bedrievsvoering duurzaomer maaken en bedrieven ondersteunen as die verhoezen moeten um natuurdoelen te bereiken. In alternatieve duurzaome energieopwekking door biovergisting zöt de PvdA een belangrieke neventak veur boeren. De PvdA wil dat de previncie in de maande met de Drentse Energie Organisatie (DEO) en de belangenorganisatie (LTO) zukke prejecten faciliteert en hier ok geld veur beschikbaar stelt. In de Veenkolonies bint meugelijkheden veur duurzame en grotere innovatieve melkveeholderijen. De PvdA wil experimenteren in de Veenkolonies, met as oetdaoging um minder regels te hebben veur (landbouw)bedrieven. De PvdA wil zo gauw meugelijk een goed onderzuuk en een plan van anpak hoe as de glastuunbouw in Drenthe toekomstbestendig worden kan.

PvdA actiepunten

- Energiewinning oet biomassa-installaties stimuleren.
- De Veenkolonies as proeftuun veur minder regels.
- De agrarische sector combineren met zörgtaaken/ toerisme/ laandschupsinrichting.
- Schaolvergrotung in de (intensieve) veeholderij allennig mor toestaon as dizze de eisen van duurzaamheid in de muut komp, biologische



bedrijfsvoering, innovatie en moet een oogpunt van het bevorderen van het dierenwelzijn. Een goede landschappelijke inpassing is daarbij zeker nodig.

- Top MBO voor jong en oud in en voor het landbouwgebied. Drenthe gaat voor de beste, meest creatieve en meest innoverende boeren van Nederland.
- Onderzoek en plan van aanpak glastuinbouw.
- Stimuleren van bedrijven met sleuten energie- en afvalstromen.

De Drentse steden

De provincie wil graag bedrijven aantrekken en houden. De economische reuring zit meest in de Drentse steden. Bedrieverterreinen kunt op 'n besten bij mekaar zitten in de steden. Wij wilt liever olde bedrieverterreinen opknappen as neien anleggen. Aw kieken naor 't aanbod dat der al is, huuf der de kommende veer jaor gien neie zichtlocaties veur bedrieverterreinen bij. De steden moet goed bereikbaar weden, daor wil de PvdA geld veur vrij maaken. De PvdA wil geern dat Hoogeveen een stopplaats blef op de intercityverbinding met Zwolle en wieder Schiphol. De provincie hef met Assen en Emmen ofspraaken maakt in het kader van Regiospecifiek Pakket Zuderzeelien (RSP). De PvdA wil dat de provincie ok met Hoogeveen, Möppelt en Coevern goeie financiële en inhoudelijke ofspraaken maakt. Verantwoordelijkheden en geld kunt wat oes betreft dan overdraogen worden van de provincie naor de steden.

PvdA actiepunten

- Ofspraaken met Hoogeveen, Möppelt en Coevern.
- Hoogeveen blef stopplaats op intercity.

De Drentse dörpen

Drenthe hef veul verschillende dörpen en dat is een hartstikke mooi. In de maande met gemienten mot de provincie oog hebben veur de leefbaarheid en levendigheid in dörpen. Het is van belang dat de kennis die aanwezig is bij instellingen as de BOKD behouden blef. De PvdA wil veul meer experimenteren met de briede school of aander multifunctionele accommodaatsies. Van de centen van de verkoop van Essent-aandelen wordt 25 miljoen euro bestemd veur het behoud van het levendige platteland.

PvdA actiepunt

- Geld veur een fonds levendig platteland.



Krimp

De saomenstelling van de bevolking veraandert snel. Op tal van plaotsen is gien grui meer en dit hef grote gevolgen. De previncie ontwikkelt een actief beleid veur demografische ontwikkelings as vergriezing, ontgruning en krimp. Gemienten kunt dizze problemen niet allennig oplössen en daarom mot de previncie de regie nemen. De PvdA wil dat de leefbaorheid, ok in krimpregio's, beholden blef. Dat betiekt niet dat alle veurzienings overal weden moet, wel dat ze veur elkenien bereikbaor weden moet met een goed netwak van openbaor vervoer. Het giet um een gezaomenlijke anpak met de bewoners, gemiente en previncie as veurnaomste belanghebbenden. Wij bint veurstander van een 'krimpfonds' in Drenthe, dat een rol speulen kan bij de problematiek van onverkoopbaore hoezen. Woningcorporaties hebt een grote rol in de krimpgebieden. Aj kiekt naor wat as wij doen moet in de krimpgebieden is de PvdA van miening dat ofdrachten aan het riek um aargens aans problemen op te lössen niet meer kunt. Die ofdrachten kunt beter bruukt worden veur het provinciaole krimpfonds. Wat oes angiet, moet woningcorporaotsies ok meer meugelijkheden kriegten um onverkoopbaore hoezen in krimpgebieden an te kopen en daornao te verhuren. De previncie overlegt met het Riek um overdrachtsbelasting vervallen te laoten in gebieden waar as der veul krimp is um de hoezenmarkt daar open te holden. Over een jaor of wat wiw toewarken naor balans in de krimpgebieden, dat de veurzienings goed op peil bint en der gien onverkoopbaore hoezen overblijft.

PvdA actiepunten

- Een krimpfonds in Drenthe.
- Drenthe wil veurop lopen in de anpak van de gevolgen van krimp en stiet borg veur de vitaliteit van het plattelaand.

Goed wonen veur elkenien

De PvdA wil een daodkrachtige regie voeren in de regionale anpak van de hoezenmarkt. In Drenthe mot meer ruimte kommen veur bijzonder wonen veur elkenien. Wij bint veurstander van veul meer kleur en verschillende hoezen op de hoezenmarkt. En veural veul meer vraoggericht. Oetgangspunt veur het wonen in Drenthe mot weden: goed wonen veur elkenien. Genog hoezen en ok verschillend. Veur jongvolk, veur oldern, veur mensen met niet zo veul geld en veur mensen die een dikke portemonne hebt. Huur- en koophoezen.

Hoezen van goeie kwaliteit die duurzaam bouwd binnen en waar mènesen heur heule leven in wonen blieden kunnen. Neie hoezen worden veural bouwd bij de steden. Neibouw in dörpen wil de PvdA meer meugelijk maoken as dat tot non toe 't geval was, met oog veur de demografische ontwikkelings. Het accent ligt dan op jongvolk dat veur 't eerst een hoes koch en oldern. Een belangrieke rol is der veur woningcorporaties en collectief particulier opdrachtgeverschap. Drenthe: de beste previncie um te wonen!



PvdA actiepunten

- De provincie bepaalt de regionale aanpak van de hoezenmarkt.
- Drenthe bleef dé woonprovincie.

Toeristen naar Drenthe

Drenthe is de mooiste provincie van Nederland. De PvdA wil dat onze provincie binnen vijf jaar in de top drie staat van provincies met de meeste toeristen in 't jaar. Dit betekent dat der ok de komende veer jaar veel aandacht weden met veur de promotie van Drenthe en veur de belangrijke attracties in de provincie, zoas bijvoorbeeld de TT, Dierentuun Emmen en het Drents Museum. Drenthe moet weer fietsprovincie nummer ien weden. Een sterke recreatieve en toeristische sector dragt zeker bij aan het economisch klimaat in Drenthe. Een goede koppeling tussen nieuwe initiatieven op het gebied van duurzame energie en toerisme wordt de komende jaren een belangrijke oetdaaging. Het kwaliteitsproject 'Natuurlijke Recreatie' bleef belangrijk. 't Geven van informatie over recreatie en toerisme in Drenthe kan en moet beter.

PvdA actiepunten

- Drenthe in de top drie van provincies met de meeste toeristen.
- Drenthe fietsprovincie nummer ien.

Duurzame Drentse energie

De PvdA wil de komende veer jaar zorgen veur innovatieve en veuroetstrevende duurzame energie. Het gaat dan om opwekken van energie, bespaaren van energie en vanneis gebruiken van energie. De provincie moet derveur zorgen dat partijen die zukke initiatieven ontplooit en wilt ontwikkelen met mekaar in de kunde komt. De provinciale overheid heeft ok een belangrijke veurbeeldfunctie. De provincie moet zölf ok kleinschalige en duurzame energieopwekking bruken. De provincie coördineert duurzame energieprojecten (biomassa, wind- en zonne-energie). Dit past bij oes actief beleid tot beperking en vervanging van het gebruik van fossiele brandstoffen.

Een middel hiervoor is de Drentse Energie Organisatie, de PvdA heeft dat een jaar of wat leden met opricht. Het Drentse plattelaand moet 't meest duurzame van Nederland op het gebied van energie worden. De PvdA wil dat er zo gauw as dat meugelijk is allen nog meer 0-energie hoezen in Drenthe bouwd worden. Lopende subsidiestromen veur duurzame energie (bijvoorbeeld op zonnepanelen, zonneboilers, warmtepompen) wil we zoveel as meugelijk handhaoven. Windmeulens passen op verscheiden steden, bijvoorbeeld in Zuudoost-Drenthe en de Veenkolonies, prima in het Drentse laandschap.

PvdA actiepunten

- Zo gauw meugelk inzetten op het allén nog meer bouwen van 0-energie hoezen in Drenthe.



- Kleinschaolige energieopwekking met behulp van de Drentse Energie Organisatie.
- Drents platteland miest duurzaam van Nederland.

Waoter, lucht en bodem schoon

De PvdA is en blef van miening dat waoterschappen goed wark doet. Verstarking van de saomenwerking tussen waoterschappen en previncie lig veur de haand. De PvdA vindt dat ok veur waoter geldt dat wel de boedel versmeert, dat ok weer betaolen mot en dat wel het mieste belang hef bij een goed waoter(peil)beheer, der ok het mieste an betaolen mot.

Wij wilt de realisatie van flexibele en innovatieve waoterbargingsysteem stimuleren. Hetzelfde geldt veur het realiseren van gescheiden rioolwater-systemen deur gemienten. De luchtkwaliteit mot de kommende jaoren ok in Drenthe verbetern. De PvdA vindt dat de previncie hier op verschillende maneren met helpen kan. Denk an het rieden laoten van bussen op duurzame energie, bij de anleg van neie woonwijken op duurzaamheid en klimaatneutraliteit sturen en an gruun ondernimmerschap veurrang geven. De PvdA is tegen opslag van CO2 in de Drentse bodem. De PvdA is tegen opslag van kernofval, aander radioactief ofval of chemisch ofval in de Drentse bodem en tegen de bouw van een kerncentrale in Drenthe.

PvdA actiepunten

- Gien CO2 in de Drentse bodem.
- Gien opslag van kernofval, aander radioactief ofval of chemisch ofval in de Drentse bodem.
- Gien kerncentrale in Drenthe.

Wegen en openbaar vervoer

Drenthe gef aal jaor miljoenen euro's oet an 't onderhoud van wegen. De PvdA wil ies kieken of we daar op bespaoren kunt, zunder dat de kwaliteit van de wegen aachteroot giet of de verkeersveiligheid minder wordt.

Verkeersveiligheid en 't tal an verkeersslachtoffers hangt saomen met de kwaliteit van de wegen. Dat wiw gern zo holden, en niet allén op de provinciaole wegen. Het openbaar vervoer blef een punt van aandacht, veural as 't giet um bereikbaarheid en betaalbaarheid. Gien lege grote bussen, mor snelle, kleine bussies as tussenschaokel naor groter openbaar vervoer. Vervoer op duurzame energie zul wij slim bliede met weden. Wij wil de kommende jaoren gien hoogdraovende neie openbaar vervoersystemen. Wel wil wij dat der meer openbaar vervoer op maat en veural combineerd plaatsvindt.

PvdA actiepunten

- Inzetten op verkeersveiligheid.



- Het openbaar vervoer beter organiseren.

Veiligheid

Veur een goed bestaon is veiligheid een belangrieke veurweerde. Veiligheid giet um meer as criminaliteit en huuf der niet allennig maor op straat te weden, maor ok in hoes, in het vervoer en in ziekenhoezen. 't Is belangriek dat plietsiezörg, brandweer, gezondheidszörg en onderwies goed bereikbaar bint veur elkenien. De PvdA wil met de plietsie, zörginstellings, verzekeraors, onderwiesinstellings en hoedokters een actieplan veur de regio opstellen. In dat actieplan wordt de bereikbaarheid en de toegankelijkheid van dienstverlening centraol steld. De PvdA wil dat elkenien makkelk angifte doen kan as de fiets steulen is, dat de plietsie in de buurt weer op straat lop, dat inwoners ok saovends en sweekends met dokter ofspreken kunnen en dat de bereikbaarheid van de schoelen goed regeld is. Kostenbespaoring, kwaliteit en bereikbaarheid van diensten muw lozer combineren.

PvdA actiepunten

- Met de plietsie, zörginstellingen, verzekeraors, onderwijsinstellingen en huisartsen een actieplan veiligheid en bereikbaarheid opstellen.

Oeze Financien

De PvdA wil geern dat de oetgaoven en de inkomsten van het financieel beleid altied met mekaar in evenwicht binnen. Nei beleid kan allennig daon worden as der bezunigd wordt op bestaond beleid of as der extra geld komp. Het Riek wil de kommende jaoren taoken decentraliseren. Omdat de huidige nationaole en Brusselse economische programma's dommiet oflopen binnen, moew ansluten bij aander Brusselse programma's. 't Is slim belangriek daw genog aander geld binnenkriegen.

Oetgangspunten:

- Slutende begrotings.
- Verantwoord umgaon met reserves en zörgen veur genog weerstandsvermogen.
- Niet onneudig spaoren.
- De kommende jaoren krew veul minder geld van het Riek.
- Tekörten wiw en kuw niet bij de inwoners en de gemienten henleggen.
- Meer zaoken realiseren in saomenwerking met bedrijfsleven en inwoners.

